


欽定八旗通志

人物志

卷一百
七十六



欽定八旗通志卷一百七十六

人物志五十六

大臣傳四十二

滿洲正藍旗二 伊拜 寧古理

哈克三 費揚武 烏達禮 對哈納

哈占 雅賚 滿丕 伊拜 弟庫邇闡

伊拜姓赫舍里世居齋谷父拜思哈當

太祖高皇帝時來歸授佐領隸滿洲正藍旗既卒伊拜與

其兄宜巴里弟庫邇闡分轄人戶任佐領

太宗文皇帝卽位察哈爾部貝勒圖爾濟率人戶來歸
命伊拜迎犒之天聰八年

上統師證明伊拜齋

勅往科爾沁部調兵隨征是年五月以克副任使子雲騎

尉世職九年擢任正白旗蒙古都統崇德元年隨
武英郡王阿濟格證明入長城攻克昌平等州縣
俘獲甚衆師還出邊敵襲我後隊縱劫掠因論伊
拜不殿後及狗隱軍士失律諸罪坐罰鍰三年九

月隨睿親王多爾袞證明由青山口入邊越燕京

畧山東四年三月凱旋以過三屯營時佐領喇巴

希爲敵所困伊拜未助戰罰馬一又其僕與軍士

爭草鬪毆伊拜袒其僕以鳴鎗射軍士復罰鍰五

年大軍圍明錦州伊拜遇杏山敵騎率本旗兵擊

敗之復連敗松山騎兵步兵後敵騎復自杏山來

犯伊拜邀擊多斬獲又同左翼軍擊卻錦州城中

出戰敵兵六年攻錦州破其山嶺步兵復擊敗其

拒戰騎兵敘功晉世職爲騎都尉時明總督洪承疇集兵十三萬駐松山援錦州

上親征陳師於松山杏山間

授諸將方畧分布要隘俟敵潰遁截擊伊拜奉

命同副都統譚拜等率兵倚杏山駐營明兵自松山竄走

伊拜追逐至塔山敵挫衄及溺水死者無算十年

大軍擒承疇於松山明總兵祖大壽以荊州降伊

拜奉

命駐守杏山是年七月部議圍錦州時敵犯鑲黃旗壕塹

軍士有未戰者伊拜狗隱應罰鍰

上賞之八年十月奉

命與輔國公篇古率將士駐守錦州順治元年調正藍旗

蒙古都統隨大軍入山海關擊敗流賊李自成尋

同都統葉臣等勦賊山西圍太原府城賊出城抗

拒伊拜同都統巴哈納等督兵敗賊克其城招降

附近郡邑師還

賜白金三百兩二年隨英親王阿濟格征陝西敗賊延安
自成走湖廣追勦至武昌連破賊營三年敘功晉
三等輕車都尉五年隨鄭親王濟爾哈朗征湖南
時衡州寶慶諸郡爲明桂王朱由榔之將所據六
年春大軍克湘潭伊拜同都統佟圖賴等分兵趨
衡州距城三十里彼兵千餘據橋立寨伊拜督兵
擊之潰進薄城下連破其寨斬其總兵陶養用遂
定衡州大軍別徇寶慶辰州武岡沅州靖州賊俱

敗遁七年四月凱旋復

賜白金三百兩八年以年老解都統任九年

命爲議政大臣叠遇

恩詔晉爵至三等男十五年卒年六十有五

贈太子太保諡勤直

賜祭葬如典禮立碑墓道以其第三子費揚武襲爵伊拜

弟庫通闡初任佐領天聰九年隨副都統巴奇蘭

征黑龍江有功子雲騎尉世職崇德三年授都察

院理事官兼任叅領五年隨工部承政薩穆什喀
在索倫部與其部長博穆博果爾力戰卻之師還
以俘卒遁去論監守不嚴應鞭責

上念其曾與博穆博果爾力戰停其敘功免罪仍

子賞賚尋隨睿親王圍明錦州擊敗杏山敵騎及松山步
兵又同左翼軍擊敗錦州城中出犯兵六年擢都
察院叅政復隨鄭親王圍錦州敵騎自松山來奪
我紅衣礮庫通圍擊卻之旋率兵據守山寨敵來

犯勢甚衆時薩穆什喀別守汛地欲遣兵助戰庫
通圍以敵易禦辭之遂獨率所部奮擊敗敵斬四
十一人獲雲梯鎗礮甲楯旗纛敘功晉世職爲騎
都尉八年擢正藍旗蒙古副都統順治元年隨大
軍入山海關擊流賊李自成追敗之望都敘功加
一雲騎尉二年正月隨豫親王多鐸擊流賊於潼
關連破其兩營敘功晉三等輕車都尉尋以考滿
稱職晉二等四年六月奉

命率兵駐防濟南會土賊謝遷等陷淄川縣城庫邇闖遣
所部兵並調綠旗兵往援部議其不親赴勦罪應
罰緩解副都統任革世職得

旨倍其罰餘寬免明年擢都察院承政尋仍改爲叅政六
年同都統譚泰征江西叛鎮金聲桓卒於軍遇

恩詔晉世職爲一等輕車都尉以其子舒赫襲

寧古理

寧古理滿洲正藍旗人姓託和洛崇德三年任吏

部主事六年大軍圍明錦州寧古理隨鄭親王濟
爾哈朗營以擊敗敵兵馳齎捷奏七年錦州降復
以降人及所獲簿籍馳奏順治二年四月遷吏部
啟心郎四年五月山東巡撫張儒秀以罷歸侍郎
孫之獬因土賊謝遷陷城遇害爲請卹部臣陳名
夏金之俊謂應復其原銜予卹寧古理與侍郎馬
光輝謂孫之獬旣革職爲民例不予卹以兩議上
得

旨申飭議卹非例是年考滿

予雲騎尉世職嗣兩遇

恩詔晉世職騎都尉兼一雲騎尉八年閏二月以前此吏部銓選有越格濫用者革啟心郎任會御史張煊劾奏尙書陳名夏在吏部專權徇私諸款並言其以尙書而卸罪於啟心郎致寧古理革任已得脫然時尙書譚泰因陳名夏與已同掌吏部坐張煊誣陷罪未幾譚泰以把持部務恣意妄行獲罪

上命寧古理仍爲啟心郎十年五月擢吏部右侍郎十三年四月因河西務鈔關員外郎朱世德虧課萬餘兩戶部援

赦免罪吏部亦復置議並坐瞻徇寧古理革任降世職爲雲騎尉十四年四月

上以寧古理前在吏部諳習事務

命遇侍郎缺出卽與推補十六年正月授禮部右侍郎十八年閏七月擢左都御史十二月疏言定例駐牧

察哈爾蒙古向京城置買盔甲弓箭由入旗都統造冊送部出口時察驗放行其他蒙古不得私買恐日久禁弛有借名置買及私相轉賣之弊請

旨嚴飭關隘官員察詰並令蒙古都統以下叅領佐領以上申禁又設兵原爲勦賊之備近見各省匪徒或數千人嘯聚總督提鎮不親率標兵堵禦輒請京兵京兵一出不惟費餉抑且擾民請嗣後有竊發者總督提鎮先率標兵勦捕不得輒請京兵則餉

運可省而民生得安又各省罪犯應解部審者向來各部差官提解仍須州縣官遞送今驛遞繁苦宜概令在外督撫提鎮解送停止差官以省供應之費下部議從之康熙元年七月遷戶部尚書二年三月卒部臣以任尚書未滿一年奏

論曰寧古理雖爲尚書未久念初設六部之時卽在部任事可予尚書卹典

賜祭葬諡勤敏子色楞襲雲騎尉世職

費揚武

費揚武滿洲正藍旗人姓納喇由護軍校累遷叅

太宗文皇帝崇德七年冬隨饒餘貝勒阿巴泰征明甫入

邊明山海關總兵馬利迎戰費揚武擊敗其衆遂

越燕京趨山東既至膠州明兵千餘屯城外費揚

武奮勇挫敵乘勝薄濱州領雲梯兵先登攻克其

城及師還明總督范志完總兵吳三桂等分路阻

截費揚武先後破走之護所俘獲出邊凱旋敘功

予雲騎尉世職管佐領事

世祖章皇帝順治元年四月隨睿親王多爾袞入山海關

破流賊李自成騎兵尋署護軍統領隨豫親王多

鐸追勦李自成師抵潼關賊將劉宗敏等引衆出

禦費揚武率本旗護軍擊敗山下步騎賊衆復連

破其兩營二年三月豫親王移師南征費揚武同

護軍統領固納岱伊勒都齊等率兵攻揚州城南

獲船二百餘又同護軍統領阿爾津擊敗江寧府境步兵追勦至蕪湖明總兵黃得功拒戰費揚武擊敗其衆獲船三十有一尋隨端重親王博洛征浙江同前鋒統領鄂碩副都統卓布泰等擊走明閣部馬士英於杭州生擒偽總兵一復率兵勦平海寧平湖二縣土賊獲明總兵王之仁戰艦十有六十二月授議政大臣先是敘入闕破流賊功由雲騎尉晉騎都尉至是敘江南浙江功績加一雲

騎尉世襲罔替四年仍署護軍統領從征福建卒於軍以其子雅素哈襲職

烏達禮

烏達禮滿洲正藍旗人姓納喇世居輝發祖曰三

檀

太祖高皇帝時來歸任佐領父曰薩珠瑚烏達禮其次子也初為前鋒侍衛兼王府長史

太宗文皇帝崇德八年擢國史院學士

世祖章皇帝順治元年隨豫親王多鐸征河南陝西二年

隨征江南三年隨端重親王博洛征福建時明唐

王朱聿鍵僭號福州海賊鄭芝龍受爵爲平國公

大軍入閩擒斬聿鍵芝龍猶擁兵觀望端重親王

遣烏達禮赴泉州開諭之芝龍乃降四年考滿授

雲騎尉世職五年擢工部啟心郎八年調刑部啟

心郎屢遇

恩詔晉世職三等輕車都尉十一年正月

上以入旗逃人日衆增設兵部督捕侍郎郎中員外主事

等官另置解署專理緝捕事擢烏達禮爲左侍郎

十三年五月以逃人緝獲者少督察不嚴坐贍徇

降世職尋

諭以洗心滌慮改過自新復職如舊會考滿廕一子入監

十一月同右侍郎梁清遠疏陳四事一申禁奸棍

窺探緝獲之犯一嚴懲解役疎縱窩逃之人一分

晰誣告逃人坐罪之條一增詳逃人自首銷檔之

例得旨如所請行十七年降世職為騎都尉改任通政司通政使

甄別部院諸臣以烏達禮職司督捕弗任勞怨下部議處

聖祖仁皇帝即位擢任吏部侍郎康熙五年因病解任八

年九月起任刑部侍郎旋擢工部尚書十四年轉

刑部十六年三月轉禮部八月轉吏部二十年三

月致仕五月卒

對哈納

賜祭葬如例以其孫阿林襲職

對哈納

對哈納滿洲正藍旗人姓鈕祜祿

世祖章皇帝順治二年由內院筆帖式遷工部主事九年

遷郎中十一年遷刑部啟心郎十五年裁缺十七

年補都察院左副都御史十八年二月遷刑部侍

郎康熙五年擢本部尚書六年五月

聖祖仁皇帝詔臣工指陳民生利病對哈納同尚書郝惟

訥侍郎麻勒吉等疏言賣身旗下之人每與民間
構訟或本主爲之代告稱妻子寄居其家田宅財
物坐落某處某某借銀若干類多捏詞索詐株連
無辜竊思有銀有產之人豈肯賣身亦無存留妻
子而獨賣己身之理請嗣後通飭八旗及直隸各
省遇此等控詞概不准理庶狡徒稍戢民生得安
疏入從之七年九月授國史院大學士充

世祖章皇帝實錄總裁官八年七月

諭曰刑部事務殷繁人命所係必得才猷練達之人方克

勝任大學士對哈納諸練刑部事務着加太子太保以

國史院大學士管刑部尙書事九年以內三院爲內閣

對哈納改文華殿大學士會吏部尙書馬希納解

任調對哈納管吏部尙書事十一年七月副都御

史李之芳疏言部院官失察胥役犯贓應如州縣

列革職吏部以部院官員例不關防胥役寢其議

上以京官雖與外官有間不應迥異下九卿科道會議尋

議外官改罰俸一年京官應罰俸六月得

旨申飭令再議

諭責對哈納曰衙役作弊小民受害無窮所司官理應從重處分以清積蠹今爾等俱已富貴不念小民困苦惟恐重處屬員致有干涉初議京官不應處分繼議外官亦從未減明係瞻徇朕擢爾吏部尚書自應殫心爲國矢公報効乃全無主見殊負委任之意於是定議外官處分仍舊部院司官失察書吏犯贓不及十兩者

罰俸一年過十兩者降一級留任十二年六月疏言舊例各省司道府州縣召募經制書辦典吏攢典等役恐積久弊生一歲一次轉撥約有數萬人甚爲繁擾且致文冊生疎每冬舛訛遺漏請照督撫鹽院衙門之例五年役滿停其轉撥得

旨允行十三年二月以病乞休

溫旨慰留十四年九月卒於官年五十有七

賜祭葬如典禮諡曰文端

哈克三

哈克三滿洲正藍旗人姓佟佳父法薩理巴圖魯任驍騎校出征戰歿哈克三其長子也

世祖章皇帝順治二年任禮部筆帖式累遷至員外郎十四年改授護軍叅領

聖祖仁皇帝康熙二年隨靖西將軍穆哩瑪征湖廣流賊李來亨等三年賊竄入茅麓山哈克三同護軍統領堪泰由山後進攻來亨敗卻遣其子據險築砦

列烏鎗拒戰我軍奮擊敗之賊潛遁復糾衆劫總兵于大海營哈克三與大海併力夾攻多斬馘來亨自經死八年擢正藍旗蒙古副都統十二年八月調本旗滿洲副都統十月遷護軍統領十四年三月察哈爾布爾尼叛

命撫遠大將軍信郡王鄂扎副將軍圖海往討哈克三叅贊軍務四月師次達祿布爾尼列陣以待潛設伏山谷我師進勦遇伏發犯我士默特兵哈克三率

中隊兵力禦敗之復偕眾擊賊營賊甫列火器我師以驍騎衝擊賊潰奔斬馘甚眾布爾尼以三十騎遁去為科爾沁額駙沙津射斃察哈爾平敘功予哈克三世職為三等輕車都尉十六年三月

命同都統勒貝副都統布舒庫叅贊簡親王喇布軍務時逆藩吳三桂賊將韓大任等踞萬安哈克三與副都統雅沁等分兵往勦既至大任渡河遁走哈克三以山路險狹騎兵難騁請調綠旗兵相機守隘

斷其餉道俾賊無從逸出簡親王以

聞奉

諭曰逆賊韓大任已無外援宜乘此時即行蕩掃乃藉口調兵延引時日使賊得固守殊悞機宜其令哈克三等乘賊勢蹙併力窮追務在剪除毋縱賊入楚十二月賊由萬安遁入興國縣山中哈克三率師追及之黃塘殺賊百餘賊復糾聚千人固守新田舖口我師步行奮擊擒斬甚眾又選輕騎乘夜追勦至姜坑

嶺賊黨陳堯元李茂珠以五千人據嶺拒守哈克三分兵四面仰攻殲其偽副將等六人斬馘千餘於是韓六任陳堯元李茂珠等走福建踞老虎洞賊衆萬餘人明年三月哈克三與都統巴雅爾副都統錫三雅沁布舒庫分隊奪隘前進破其六營殪賊六千餘擒斬偽總兵以下三百人獲旗幟器械無算大任等窮蹙會康親王傑書遣人招撫大任率衆降哈克三還吉安

命赴湖南與將軍穆占會師勦賊尋駐守郴州六月三桂據衡州遣賊黨馬寶胡國柱等糾賊三萬犯永興穆占令哈克三率兵援勦禦之河外營奮力擊賊賊勢猖哈克三與都統伊理布皆戰歿事

聞

諭穆占曰凡遇賊寇必審己量力可擊則擊之如賊衆我寡卽宜調集諸路合爲一軍壯聲勢以圖攻勦今逆賊大隊犯永興我兵分駐他處禦戰力單以致失利我朝

諸將遇敵雖兵力單弱亦不退縮必奮勇攻擊是以都統伊理布護軍統領哈克三等陷歿於陣聞之不勝傷悼十八年十月喪還命內大臣噶布拉奠茶酒復

遣內大臣佟國維齎銀五百兩賜其家傳

諭曰哈克三臨陣捐軀戮力盡瘁殊為可嘉特賜銀五百兩其舉殯時仍遣內大臣一員併侍衛往送

賜祭葬如典禮諡武毅晉世職為一等輕車都尉兼一雲

騎尉弟之子巴爾泰襲

世宗憲皇帝時以哈克三入祀昭忠祠

覺羅豁特

覺羅豁特滿洲正藍旗人

景祖翼皇帝第五子恪恭貝勒塔察篇古之三世孫也父

穆成額以軍功授雲騎尉順治三年豁特襲職因

近族加騎都尉三遇

恩詔遞加二等輕車都尉世襲罔替尋授佐領累遷護軍
叅領兵部理事官十七年擢鑲藍旗滿洲副都統
康熙三年隨豫親王多鐸進剿蘇尼特叛人騰機
思有功加一等輕車都尉九年擢鑲藍旗蒙古都
統十三年逆藩吳三桂耿精忠叛分犯江西豁特
偕護軍統領郎素等隨安親王岳樂往剿十四年
五月大軍克建昌賊將許定國據新城縣豁特偕
前鋒統領覺羅舒恕等圍克之生擒定國十六年

十二月逆賊朱秦等犯湖南平江縣豁特迎敗之
斬六千餘級擒偽副將二遊擊一守備六十七年
閏三月剿馬棚賊邱義尚于七家洞擒斬無算又
降偽總兵朱永升等俱得

旨嘉獎是年六月豁特卒于軍先是安親王既克建昌欲
平附近餘孽檄豁特取石匣村失利安親王疏

聞

命事平察議二十二年議政王大臣議豁特在石匣交戰

未收官兵骸骨並失軍礮應革職籍沒家產編入
包衣佐領奏入

諭曰覺羅豁特失悞軍機理應依議但係覺羅編入包衣
佐領爲奴似屬不便著免其編入尋

命留豁特父穆成額所立雲騎尉世職以豁特從子訥秦

襲

穆赫林

穆赫林姓博爾濟吉特祖索諾木爲烏嚕特部台

吉

太祖高皇帝天命七年索諾木同貝勒明安等率所屬人
戶來歸別立烏嚕特蒙古一旗

賜資優厚屢從征有功于爵二等子

世祖章皇帝順治十二年追諡順良視一品大臣例立碑
穆赫林之伯父博琿初襲索諾木爵

太宗文皇帝天聰六年從征察哈爾以俘獲數少及私行
畋獵諸罪削爵改隸正藍旗滿洲穆赫林之叔父

僧格襲三遇

恩詔晉爵至三等伯順治九年卒穆赫林襲爵

聖祖仁皇帝康熙五年授正藍旗滿洲副都統尋列議政

大臣十三年四月

命同都統拉哈達率兵駐防兗州旋

命移駐江寧時逆藩耿精忠叛應吳三桂

上命康親王傑書爲大將軍貝子傅喇塔爲寧海將軍穆

赫林率駐守江寧之喀喇沁土默特兵赴浙江會

勦十四年穆赫林隨傅喇塔征台州僞都督林冲

糾衆萬餘列十三寨於白水洋穆赫林督兵攻拔

賊寨斬獲無算擒僞總兵朱富復仙居縣城遂由

黃巖進征僞將軍曾養性偕叛鎮祖宏勲據溫州

分水陸迎犯穆赫林擊敗之上塘嶺取賊艦三十

餘僞總兵彭國明率衆五千餘瀕江列寨穆赫林

率兵至寶帶橋分布隊伍指麾攻擊摧賊鹿角斬

級千餘盡獲其鎗礮旗幟遂駐軍江岸賊數來犯

輒戰卻之溫州繞城有河引江水入焉聞以蓄之
我軍欲毀閘以涸水輒爲賊阻久相持未能薄城
時康親王駐金華檄傅喇塔與穆赫林速攻城穆
赫林言必多取大礮至乃可克十五年二月

上諭責王貝子等遷延康親王因劾奏穆赫林與副都統
吉勒塔布提督段應舉等抗違軍令瞻顧不前狀
詔事平日議罪八月康親王由衢州攻克仙霞關招降耿
精忠徙會養性祖宏勳等至福州溫州平檄穆赫

林移師福建駐守延平海賊鄭錦使其僞將軍吳
淑僞總兵吳潛由邵武犯延平穆赫林率兵擊之
浦塘隘口陣斬僞總兵楊大任生擒僞總兵阮信
等破其木城獲軍械無算乘勢追剿復邵武汀州
二府及所屬縣十六年賊屢窺犯泉州及潮州陷
所屬城邑穆赫林與副都統沃伸總兵馬三奇等
一再擊敗之十七年三月賊犯海澄穆赫林與海
澄公黃芳世率兵迎戰於灣腰樹賊勢猖獗我兵

失利退保海澄賊復糾衆環逼阻我聲援據高阜
瞰城中礮石交下穆赫林同提督段應舉協力固
守糧盡身負重創六月己卯城陷穆赫林與應舉
並自經死及賊平議政王大臣等追論穆赫林征
溫州時抗違軍令擊海賊時於灣腰樹戰敗及被
困海澄援兵將至不奮力突圍城陷後急迫自盡
應追革官爵籍沒家產

上念穆赫林屢著戰功寬免籍沒以僧格之孫赫達色襲

二等伯

世宗憲皇帝時穆赫林與段應舉並入祀昭忠祠

勒貝

勒貝滿洲正藍旗人姓郭爾羅父鄂羅塞臣官左
都御史諡果敏有傳勒貝初授侍衛兼佐領順治
十八年由一等侍衛授正藍旗蒙古都統康熙八
年調正藍旗滿洲都統十六年三月吳逆未平

上以簡親王喇布出師江西久無功其叅贊大臣均不勝

任

命勒貝及護軍統領哈克三副都統布舒庫往代之十月

鎮南將軍莽依圖由廣東進定廣西

命勒貝偕江寧將軍額楚守韶州十二月

諭曰韶州地屬緊要一切軍務若令簡親王轉奏恐有遲

悞其令額楚統轄兵馬勒貝參贊軍務凡事許得專奏

十七年二月

上以梧州為兩廣接壤要地

諭勒貝同額楚往戍時逆賊祖澤清據高州叛陷鬱林州

及北流興業陸川博白四縣四月勒貝偕將軍傅

宏烈等擊敗偽總兵梁子玉於白米嶺斬之偽總

統饒一龍等各棄城遁一州四縣盡復十八年吳

逆偽將吳世琮圍南寧總督金光祖遣總兵譚昇

等與戰於新村西山之巔勒貝偕額楚及副都統

額赫納等分路撲剿殺賊甚眾世琮重創遁南寧

圍解十九年五月復偕額赫納等剿叛賊馬承蔭

於柳州大敗之於陶登乘勝克象州承蔭降均得
青嘉獎下部議敘八月莽依圖卒于軍
上以勒貝代爲鎮南將軍尋

命隨征南大將軍都統賚塔進定雲南卽令叅贊軍務十

二月大軍抵西隆州偵僞將軍何繼祖王宏勳等

糾衆萬餘扼定籠所之石門坎勒貝與都統希福

等先驅二十年正月抵其地攻克第一峯第二峯

第三峯奪隘口復安籠所城繼祖等走復糾僞將

軍詹養王有功等九人衆二萬餘守黃草壩列象

拒戰二月勒貝率次官兵隨大將軍賚塔進勦生

擒詹養王有功及賊千餘直抵雲南城逆孽吳世

璠自殺雲南平班師勒貝以疾道卒樞至京

命內大臣往奠二十二年

賜祭葬如例

恭圖

恭圖滿洲正藍旗人姓兆佳康熙四年由閒散授

世管佐領六年補安親王府長史九年授叅領十二年擢本旗蒙古副都統十四年大兵勦吳三桂詔恭圖統領蒙古兵駐防河南尋

命帥師赴荊州十五年三月隨鎮安將軍噶爾漢攻南漳縣之靈機寨焚賊營賊三千餘迎敵擊敗之得

旨嘉獎十六年十月同征南將軍穆占率兵赴安親王岳樂軍於長沙十八年隨征武岡州賊帥吳國貴馬寶擁兵二萬四千據隘口恭圖偕副都統伊巴漢

等攻之三晝夜礮斃吳國貴追至楓木嶺之木瓜橋賊衆悉潰十九年調滿洲副都統二十年隨大將軍貝子章泰進兵雲貴時僞將軍線緘據江西坡我兵奮擊賊帥夜遁恭圖追至蠟茄坡再戰復敗之恢復新興所普安州二城復隨大軍敗賊將胡國柄等於歸化寺雲南平還京二十三年議政

王大臣遵

旨甄別都統副都統等官以恭圖不能彈壓所屬議革職

旨恭圖前曾奏請休致不可列衆人中黜退可仍留原任

二十四年因病解任尋卒于家

賜祭葬如例

哈占

哈占滿洲正藍旗人先世居葉赫姓伊爾根覺羅

哈占由官學生爲鴻臚寺贊禮郎累遷吏部員外

郎郎中兵部督捕理事官

聖祖仁皇帝康熙八年授秘書院學士十一年擢工部侍

郎十二年九月授陝西總督甫之任逆藩吳三桂

反四川巡撫羅森提督鄭蛟麟總兵吳之茂譚宏

叛應之與三桂所遣僞將軍王屏藩等合謀寇陝

西

上命都統赫業爲安西將軍護軍統領瑚里布爲副將軍

同西安將軍瓦爾喀進征四川

詔哈占同巡撫杭愛籌運軍餉並與甘肅提督張勇陝西

命哈占提督王輔臣協力捍禦邊境緘輯軍民十年五月
月西安總督王輔臣奏請將哈占等四員

命尚書莫洛經畧陝西川事與哈占會商而行哈占以漢
中廣元山路險峻奏于畧陽水道造船接運借山
西穀二十萬石協濟六月車王與雷等合議欲

命貝勒洞鄂爲定西大將軍統轄征四川將士時興安總
兵王懷忠率兵四千隨將軍瓦爾喀征保寧哈占
遣遊擊程福亮率兵防守興安叛鎮楊來嘉自即

陽連結王屏藩等犯興安福亮擊敗之漁渡路八
月莫洛自請領兵先是貝勒洞鄂由秦州征四川
哈占以洛陽糧艘爲賊所劫餉運難繼奏入

上命四川總督周有德等經理廣元至保寧輸運
諭哈占飭屬速運廣元相繼毋悞哈占因疏言陝西官民
疲於輓輸請令山西省協助

上曰山西運糧水路則有黃河汾渭之險陸路道遠勞費
尤甚其令戶部發庫銀十五萬兩遣員齎至西安採辦

酌增其直俾民間獲什一之利樂於輸送自可源源接濟十二月王輔臣叛於寧羗莫洛遇害貝勒洞鄂由漢中還西安十四年正月

詔洞鄂征秦州哈占分兵防守蘭州哈占疏言西安兵少

不宜分遣又疏請增兵

上命移荊州兵一千以雲貴總督鄂善率赴西安旋

諭鄂善移兵守延安哈占復奏留之時同州遊擊李師膺

倡叛殺韓城知縣翟世琪脅神道嶺營卒聯結蒲

城土賊陷延安固原道陳彭定邊將軍朱龍皆以

城叛王輔臣據平涼其黨分據秦州鞏昌慶陽陷

蘭州洮州河州復阻截棧道陷漢中哈占遣將勦

賊于邠州淳化三水長武漢陰石泉甘泉寶雞諸

處屬奏捷六月貝勒洞鄂復秦州提督張勇復鞏

昌洮州河州寧夏提督陳福復定邊平逆將軍畢

力克圖復延安西寧總兵王進寶復蘭州書

詔趣洞鄂督諸路兵合攻平涼哈占以興安遊擊王可成

叛秦移潼關綠旗兵守商州移西安滿洲兵守潼關尋又以興安叛兵與蜀寇合已陷商州舊縣關將逼西安南山羣盜又分出各口乞平並派軍畢勅貝勒洞鄂將軍畢力克圖等發兵赴西安應援上切責之曰始王輔臣叛朕以蘭州爲近邊要地令哈占發兵鎮守哈占謂西安兵少不宜分遣致蘭州諸處淪陷嗣以延安爲諸路要衝命鄂善周有德等駐守哈占又留之西安致延安陷沒哈占爲封疆大臣遇事不周

詳籌度祇欲重兵自衛貽誤非小今又謂叛兵與蜀寇合欲諸將分兵赴西安是但知有西安置他處于度外矣且蜀寇何能卽至西安因諸將齊赴平涼故爲聲揚欲亂我軍心分我軍勢耳諸將當益急攻平涼其現駐太原兵令將軍烏丹率赴潼關防守現駐榆林之蒙古兵令理藩院員外郎拉篤祜率赴西安以備勦禦九月哈占疏報慶陽從逆知府王文紳守備路調鼎等擒僞總兵南一元獻城投歸十五年

上命大學士圖海代洞鄂爲大將軍攻圍平涼王輔臣降
哈占疏陳安輯降衆復設官屬等事俱下部議行
十七年以失察布政使伊圖侵蝕採買價直部議
革職

詔從寬留任十九年正月將軍趙良棟王進寶等復成都
保寧四川郡邑相繼底定哈占疏言軍餉由陝西
運至保寧應令四川官屬接運

上以四川初定恐難驟供轉餉

諭哈占卽令陝西運官以畧陽糧艘運至敘州八月

詔哈占簡本標及綠旗各營精銳率赴保寧規復雲貴十
月哈占疏言臣進兵保寧所需糧餉若以陝省所
運支給不足於用請

命四川督餉官盡心經理又言叛賊譚宏彭時亨等四出
剽掠臣自漢中往保寧所統兵無幾請

勅陝西甘肅巡撫提督撥兵畧陽陽平寧羗廣元諸要地
防守

上俱允所請會侍郎趙璟金鼎奏言陝西轉餉入蜀運官不知軫恤人民滋困尙書宋德宜亦言陝西四川宜以一總督統理庶人民勞逸可以酌劑均平於是裁四川總督以哈占爲川陝總督哈占旣至保寧遣總兵高孟勦彭時亨敗賊衆於南溪羅石橋諸處復管山縣渠縣哈占尋疏言臣今奉

命爲川陝總督或應領兵進征或駐兩省適中之地調遣策應

諭其速滅譚宏彭時亨卽進征雲南二十年正月鎮南將軍噶爾罕奏報譚宏已死忠州萬開建始雲陽梁山等縣賊巢俱平高孟追擊彭時亨亦復廣安州達州大竹東鄉等縣

詔哈占率所屬兵馳赴敘州會建昌永寧兩路兵進征哈占疏言永寧一路大兵急需糧餉陝西輸運因敝請於永寧瀘州諸處採買支給遂

允所請發西安庫銀六萬兩遣員齎往五月疏言臣兵發

永寧由赤水畢節追勦逆賊馬寶進征雲南兵少
力弱請令現駐敘州之固原總兵官王用予爲後
應

敕用予卽率兵馳守永寧時湖南廣西大軍畢集雲南合

圍省城大將軍貝子彭泰以兵多糧少奏言馬寶
旣降賊勢窮蹙大兵已足用哈占率兵甫至貴州
威寧宜令還四川以節滇餉因

命哈占還駐要地兼顧川陝哈占至曲靖旋師

詔哈占前此革職處分子開復尋以彭時亨窮蹙來降敘
哈占遣兵追勦功加兵部尙書銜先是譚宏旣死
其黨僞總兵牟一乾牟一舉率衆赴遵義降於提
督周卜世軍散處巴縣涪州至是哈占疏言一乾
等素習奸狡若仍留舊地恐復爲患請移之陝西
懦弱者歸農強壯者分各營効用

上嘉所奏協宜如請行又言慶陽協所轄之潼關商州神
道嶺金鎖關四營距慶陽道遠應歸固原鎮統轄

富平營分防六縣汎廣兵單應於郿縣營分兵百
名增隸疏下部議從之二十二年授兵部尙書二
十四年四月調禮部尙書十一月以疾乞休自述
前此當吳逆作亂捐軀思効晝夜拮据者十年積
勞成病得

旨哈占前任川陝總督值大兵進征雲南屢奉旨催促始
隨他人之後前往未曾立功乃妄稱捐軀思効晝夜拮
据著嚴行申飭仍殫力供職以贖前愆二十五年八月

卒年五十有五

雅賚

雅賚滿洲正藍旗人姓納喇初爲王府長史兼佐
領

聖祖仁皇帝康熙十三年九月

命署副都統率兵駐防江寧未至奉

命移駐安慶時逆藩耿精忠叛應吳三桂遣賊將由福建

陷江西廣信建昌饒州三府及湖口彭澤二縣

上遣安親王岳樂爲大將軍統師赴南昌口賊二縛
詔雅賚與署副都統阿喀尼叅贊軍務先由安慶移兵剿
賊彭澤十一月雅賚同阿喀尼進征偵知彭澤城
北小姑山有賊二百餘據守先遣兵攻剿賊結水
寨發鎗礮拒戰我兵繞其後陟山而下奮勇分擊
斬偽千總陳三省餘賊多創斃及溺水死者獲賊
船二取其軍器遂進薄縣城城西臨大江南北皆
巖齶路險峻乃督兵趨其東陟山坡樹雲梯登城

賊不能抗縱火焚城中廬舍開東門出遁我兵追
擊之殲殪大半獲偽劄及軍器無算遂進征湖口
偽遊擊周立龍偽守備周立虎率兵二百餘來降
會安親王軍至賊聞風棄城遁都昌安親王令雅
賚同阿喀尼剿賊都昌至則賊復竄往鄱陽湖復
其城偽監軍道葉甲偽都司周羅王錫等乞降十
四年二月雅賚同阿喀尼率水師剿賊鄱陽湖先
趨五桂寨賊棄寨竄遁賊將黃浩旋合賊衆乘船

迎犯我軍分兩隊交戰賊敗卻追至梅溪瑞洪康
 山湖汊壩口先後殪賊數千生擒二百餘口獲船
 數百尋會陸路軍於苜蓿灣與護軍統領朗素副
 都統珠拉禪等收復餘干縣城四月隨安親王征
 建昌賊將邵連登據常興山列營三十雅賚率首
 隊兵由山左仰攻諸軍由右夾擊盡破賊營殲賊
 無算連登中流矢死六月同都統霍特進征廣昌
 次石峽天暑人馬疲渴猝遇賊伏我師稍卻雅賚

直前奮戰中礮歿於陣

賜祭葬如典禮諡襄壯子騎都尉世職以其子班第襲
 世宗憲皇帝時入祀昭忠祠其世職既襲三次循例停襲
 今上乾隆十五年

詔核八旗世職之以死事卹敘而襲次已滿者

特子恩騎尉世襲罔替復以雅賚之四世孫德慶襲

滿丕

滿丕滿洲正藍旗人姓伊爾根覺羅自其曾祖珠

瑚達以來世管佐領康熙十一年由贊禮郎授理藩院主事十四年遷刑部員外郎十九年授監察御史兼襲管佐領二十五年五月御史李時謙疏論刑部勘鞫原任奉天府通判戴純責處雇工人傷重殞命讞證參差遽坐故殺擬絞請

勅法司詳勘刑部奏李時謙滿丕於法司會議處共言此案宜改輕由戴純之兄工部員外郎戴綸有賄囑情弊並得

旨下法司再審法司以聽許賄囑定讞戴純仍擬絞戴綸李時謙滿丕並革職二十八年李時謙以廷臣薦舉復原官滿丕隨都統郎坦赴尼布楚與俄羅斯使人費耀多囉等議地界毀雅克薩城而還時駕幸古北口外行圍滿丕詣

行在奏事處乞代奏願往歸化城北路軍營効力得旨滿丕從雅克薩來不必出征暫在行圍之處隨朕進京二十九年六月授理藩院郎中偕員外郎鄂齊爾

齋

勅宣示噶爾丹七月

上命裕親王福全統師往烏蘭布通

親臨邊塞

指授方畧滿丕持噶爾丹奏章還呈

覽於古北口

御營又奏言噶爾丹賊壘與大軍相距不過百里臣願往
軍前擊賊

正可其奏遂赴烏蘭布通領火器營發鎗礮擊敗賊衆得

頭等功牌是年擢內閣侍讀學士明年遷內閣學

士三十一年二月遷理藩院右侍郎明年轉左三

十三年五月將軍費揚古奏噶爾丹遣人至言欲

通貢偵知有男婦三千餘隨行

上命滿丕馳往歸化城詰問來使遣之還仍以噶爾丹奏

章呈

覽七月

詔費揚古進師圖拉尙書阿喇尼率蒙古兵爲前哨

諭稱滿丕効力之心甚殷可協同阿喇尼經理驛站尋以

圖拉無警撤回三十四年七月

命往歸化城北協理軍務至則散給噶爾丹使人梅宰桑

等餼糧宣

勅遣還十一月同副都統阿南達率喀爾喀兵進駐四子

部落蘓尼特部落兩界要地偵備三十五年二月

上親征噶爾丹由中路以費揚古爲大將軍出西路滿丕

分管自京派發西路之兩藍旗兵由翁金至圖拉

五月破賊於昭莫多七月奉

詔還歸化城察奏凱旋官兵行糧及撫輯降人諸務九月

自請仍赴費揚古軍同駐喀喇穆掄地十一月奉

詔移駐喀爾喀游牧界外塔拉布拉克偵防噶爾丹侵掠

三十六年閏三月收降噶爾丹屬人扎木素等由

驛遞送歸化城安插奏述扎木素言噶爾丹前在

薩克薩圖呼哩克夜聞大礮三聲隨有瀚海旁探

捕之人驚告以瀚海飛塵若霧兼聞礮聲大兵已
逼近矣衆皆惶恐擾亂噶爾丹避徙十有六日至
哈薩克圖哈喇阿濟爾罕地扎木素不願從行逸
出來降奏至報

聞未幾噶爾丹果竄死阿察阿穆塔台費揚古班師

上召滿不還京列議政大臣子雲騎尉世職三十七年三
月同尙書馬齊副都統烏達禪出邊莅喀爾喀諸
部會盟三十八年六月兼鑲黃旗滿洲副都統三

十九年十一月

命往四川總統調發官兵勦撫番蠻四十年二月同提督
唐希順奏分兵三路攻復打箭爐駐兵木鴉十二
月奏鴉隴江濱瞻對喇袞革布什咱綽斯甲布諸
土目各率所屬戶口投誠繳明代印信號紙應請
授五品安撫司之職其副爲六品土百戶

頒給印信號紙下部議從之四十一年三月擢正藍旗蒙
古都統五月

召還京四十三年九月以疾乞罷

命原品休致五十二年卒子蘇保襲雲騎尉

欽定八旗通志卷一百七十六

